

奉天通志

第六函之六

奉天通志卷八十七

建置志

沿革考古疆域紀今而建置則古今兼紀者也今爲分列七目曰
城堡曰廨署曰津梁曰祠廟曰宮殿曰陵墓曰名勝凡此諸目無
論何時建置而以今有其蹟者爲主無其蹟者附之例如各縣城
池大半建於清代固爲有蹟矣然如海城之營城子鐵嶺之懿路
昌圖之四面城八面城安東之九連城皆建於明代以前而其故
址尙可考見亦不得謂爲無其蹟也再如寺廟固以有蹟者爲主
然如遼陽之廣祐寺寺址已毀而古塔巋然尙在爲一縣之要蹟
是又烏可不述則無其蹟者亦不可遺其他各目義亦如是然建
置又因時爲義者也如遼金以遼陽爲東京元於遼陽建行省已

占形勝之要地矣至明代則於遼陽設都司而巡撫總兵俱駐廣寧於是廣寧又與遼陽並重清代則始都遼陽繼遷瀋陽尊爲盛京而形勢又爲一變是則建置雖古今並紀而又今重於古故紀載之序以現在經制爲主舊有其蹟者次之雖無其蹟而尙可考者又次之述建置志第五凡得十卷

建置一 城堡

城堡

瀋陽縣

縣城

全遼志瀋陽中衛城本元之瀋州洪武二十一年指揮閔忠因舊修築方九里一十餘步高二丈五尺池二重闊三丈深八尺

圍十三步外闊三丈深八尺圍十一里有奇門四東永寧南保安西永昌北安定

南關 保安門外嘉靖二十二年新建周圍六百七十九丈

清一統志盛京城周九里三百二十二步門八南之左曰德盛南之右曰天佑北之東曰福勝北之西曰地載東之南曰撫近東之北曰內治西之南曰懷遠西之北曰外攘門樓八角樓四城壕周十里二百四步廣十四丈五尺外繚牆周三十二里四十八步本明瀋陽衛舊址天命十年自東京遷都於此天聰五年因舊城增拓之八年始名曰盛京康熙十九年增築繚牆二十一年重修諸城門樓三十二年重修城垣五十四年復修城樓及內外城垣乾隆十八年二十八年三十七年四十一年四

奉天通志 卷八十一
十三年四十四年四十五年疊次發帑重修城堞明樓甕圈砲房規制益爲宏備

奉天郡邑志奉天府治當渾河之北京奉鐵路之尾東三省枝路之東安奉鐵路之東北城周九里三百二十二步門八康熙十九年築郭周三十二里四十八步門八

瀋陽縣志清天命十年自東京遷瀋陽天聰五年增拓其制城垣內外磚石高三丈五尺厚一丈八尺女牆七尺五寸周圍九里三百三十二步堞口六百五十一明樓八角樓四改舊門爲八每面門各二一名同俗呼爲大東小東大南小南大西小西

大北小北城內有鐘樓一在福勝門內大街鼓樓一在大地街門城外池

闊十四丈五尺周三十二里四十八步城內池七十二處以瀦

積水關牆建於康熙十九年周三十二里四十八步東南隅置木柵二處導瀋水自南出焉乾隆中疊經修築規制益宏光緒末年撫近內治關門皆摧圯今僅存甕城城上各樓並先後頽廢今惟外攘關明樓巋然無恙光緒中重建者城內水池亦陸續填涸外攘邊門今易新式額曰陪都重鎮懷遠邊門亦改建

爲便往來商旅

餘仍舊制又曰清初分縣城內外各爲八界撫近門

內及撫近關爲鑲紅旗界內治門內及內治關爲正紅旗界德盛門內及德盛關爲鑲黃旗界天佑門內及天佑關爲鑲藍旗界懷遠門內及懷遠關爲鑲白旗界外攘門內及外攘關爲正黃旗界福勝門內及福勝關爲正藍旗界地載門內及地載關爲正白旗界

沙嶺堡

城西四十里周圍一里半東南二門

淨烟堡

城西六十里周圍半里南一門卽明靜遠堡堡西曰翟

家堡艾家堡北接舊邊站

川盛堡

城北三十里

平洛堡

城北四十里

奉集堡

城東南四十五里周圍四里南一門

大堡

城東南八十五里周圍四里南北二門爲承德遼陽分界

處

白塔堡

城南二十里周圍二里

盛京通志以上諸堡鋪皆奉天將軍駐防分汛地

按舊城舊堡應入古蹟惟舊志述駐防分汛者係清代二百

數十年官駐茲附於縣城之後並非荒廢

附城內市場

糧市

地載門內

糧商議
市價之所

銀市

福勝門內長安市

錢商議
定金銀市此價

柴草市

天佑門外畿輔會館

近年商戶多以
順煙煤代柴草

又 內治門外天齊廟前

又 懷遠門外連宗寺前

又 外攘門外公園前

又 地載門外迤西

馬市 天佑門外風雨壇北

菜行

內治門外迤北

此菜行
集為各
市百貨
之冠

又 德盛門外迤東

又 懷遠門外平康巷北

鮮魚市 內治門外菜市之東

肉市 內治門外菜市西

又 德盛門外菜市西

鷄鳴市 內治門外甕城南

魚行 內治門內大街

果市 鐘樓南

中秋前後散市

又 內治門內

瓜市 撫近門外迤南

工夫市 懷遠門外西南角樓之西

此工鳩作者於

燈市

鐘樓南

上元集中元售
燈者集此

缸市

福勝門外

又地載門外

石頭市

外攘門內迤南

估衣市

外攘門內大街

又

天佑門外

又

懷遠門外

又

福勝門外迤西

炭市

鐘樓南街灰市胡同

近年官署商民皆
用煤炭銷路漸稀

皮行

外攘門內牌坊

帽市

外攘門內千石橋胡同

礮砦市 撫近門外迤南

木行

中街北

行爲內

又

地載門

行爲外

銅行 中街南銅行胡同

遼陽縣

縣城

遼史地理志東京遼陽府太祖神冊四年葺遼陽故城以渤海漢戶實之建東平郡爲防禦州天顯三年遷東丹國民居之升爲南京城名天福高三丈有樓櫓幅員三十里八門東曰迎陽東南曰韶陽南曰龍原西南曰顯德西曰大順西北曰大遼北曰懷遠東北曰安遠宮城在東北隅高三丈具敵樓南爲三門

壯以樓觀四隅有角樓相去各二里宮牆北有讓國皇帝御容
殿大內建二殿不置宮嬪惟以內省使副判官守之大東丹國
新建南京碑銘在宮門之南外城謂之漢城分南北市中爲青
樓晨集南市夕集北市天顯十三年改南京爲東京府曰遼陽
金史地理志東京路遼陽府中東京留守司本渤海遼陽故城
遼完葺之皇統四年二月立東京新宮寢殿曰保寧宴殿曰嘉
惠前後正門曰天華曰乾貞

元史地理志遼陽路上至元六年置東京總管府二十五年改
東京爲遼陽路

全遼志遼陽城漢唐以來皆謂之遼東城契丹主阿保機改爲
鐵鳳城洪武壬子因遼陽舊城之失都督馬雲葉旺改建於此

奉天通志 卷八十一
非水北曰陽之義也城方一十六里二百九十五丈高三丈三尺池深一丈五尺周圍一十八里二百八十五步門六南二左安定右泰和東二南平夷北廣順西肅清正北鎮遠俱有樓角樓四東南曰籌邊東北曰鎮遠西北曰平胡西南曰望京鐘樓一建於都司西北鼓樓一建於都司東北

北城 洪武己未都指揮潘敬開展東城一里之北附築大城處東寧衛內附夷人永樂中自在州自開原移於本城以處歸附夷人永樂丙申都指揮王眞始甃以磚卽今土人稱北城是也南北共一里東西四里高三丈池深一丈五尺合南城周圍共二十四里三百八十五步門三東曰永智西曰武靖北曰無敵庚申南城北面傾頽殆盡巡按史官修甲子夏西南壕并城

爲山水衝突巡按黃襄修仍挑河二十餘里以洩水患

西關 在肅清門外嘉靖三十二年巡按溫景葵包築門樓二東翊鎮西迎恩

清一統志遼陽州城卽故都司城明洪武五年築周十六里有奇門六一十六年展築東城一里其北又開築土城永樂十六年復改築北城南北一里東西四里門三合於南城共周二十四里三百八十五步門九本朝康熙雍正年間屢修乾隆四十四年重修遼陽縣志縣城清初內城稱大東小東大南小南大西門裏北門外城稱高麗門小西門外北門池亦淤天命六年曾都此翌年建東京城遷焉康熙雍正間此城猶屢修不廢乾隆四十二年重修南城北城遂廢

今北門外土岡其遺址也

城垣南面七百

丈北面七百五十二丈東西兩面均長六百丈周圍二千七百一十二丈門六大南在西曰豐樂小南在東曰文昌北曰拱極西曰順安大東在南曰綏遠小東在北曰普安又稱曰高麗門

因外城舊名高麗進貢必由此樓櫓雉堞近皆傾圯日俄之役俄兵拆毀數缺

以通車站迄未杜塞民國十二年日人與我國約拆去輕便路軌留此門以便交通允之因就從前之鐵門重修城外木橋通行車馬名其門曰鐵門橋曰永安民國九年於鐵門之南城缺復開一門亦用鐵門並跨河隍架木橋名曰南鐵門永寧橋計門八

東京城 盛京通志在太子河東離遼陽州城八里天命六年建周圍六里零十步高三丈五尺東西廣二百八十丈南北袤二

百六十二丈五尺城門八東向者左曰迎陽右曰韶陽南向者左曰龍源右曰大順西向者左曰大遼右曰顯德北向者左曰懷遠右曰安遠天命十年遷都盛京遂於東京設城守章京康

熙二十年城守移駐金州

黃泥窪堡

城西五十五里周圍二里門一其西北曰留二堡

爛泥鋪堡

城北三十五里周圍六十四步門一

八里莊堡

城西南八里周圍一里一百四十步門一

首山堡

城西南十五里周圍三百五十二步門一

沙河堡

城西南三十里周圍一里五十六步南北二門

長店鋪堡

城西南五十里周圍三百二步南一門

唐馬寨堡

城西南七十里周圍二里四十步南一門

烟狼寨 城西三十七里

盛京通志以上諸堡寨皆遼陽駐防分汛地

海城縣

縣城

全遼志海州衛城洪武九年靖海侯督本衛指揮劉成等修築
方六里五十三步有奇高三丈二尺池深一丈一尺闊三丈五
尺圍六里八十三步門四東鎮武南廣威西臨清北來遠鼓樓
在衛治之東中衢鐘樓初建於衛治東山之麓嘉靖二十二年
都指揮顧忠移於軍儲倉之北
盛京通志海城縣城卽明海州衛舊係土城明指揮劉成等甃
築後城毀池淤本朝天命八年卽舊城東南隅建新城周圍二